

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO/TUŽITELJSTVO
ZENIČKO-DOBOJSKOG KANTONA
Broj: 06-03-8-04-253 /22
Datum: 26.09.2022. godine**

Kantonalno tužilaštvo Zeničko-dobojskog kantona i Visoko sudsko i tužilačko vijeće Bosne i Hercegovine zaključili su Memorandum o saradnji u zajedničkoj realizaciji projektnih aktivnosti u okviru projekta "Podrška pravosuđu Bosne i Hercegovine – Jačanje uloge tužilaca u sistemu krivičnog pravosuđa", faza 3. Navedeni memorandum predviđa angažman izvršilaca određenog profila koji će pružati stručnu, administrativnu i drugu pomoć Tužilaštvu na poslovima digitalizacije arhive u tužilaštvu, pripremi i sređivanju arhivske građe, skeniranju dokumenata njihovom indeksiranju i snimanju u sistem za arhiviranje digitalnih predmeta.

U skladu sa navedenim, Kantonalno tužilaštvo Zeničko-dobojskog kantona objavljuje:

JAVNI POZIV

**zainteresovanim licima za privremeni angažman u
Kantonalnom tužilaštvu Zeničko-dobojskog kantona**

Kantonalno tužilaštvo poziva zainteresovane kandidate da dostave svoje prijave za poziciju:

Referent za pružanje pomoći tužilaštvu na poslovima digitalizacije arhive.....1 (jedan) izvršilac

Opis poslova: detaljno pregledanje svakog predmeta u arhivi pojedinačno, izdvajanje predmeta kojim je istekao rok čuvanja (otpis arhive) i evidencija manuelnih predmeta uz provjeru roka čuvanja, fizičko uređivanje predmeta u arhivi, slaganje predmeta, popisivanje i slaganje prema evidenciji roka čuvanja, skeniranje, evidencija predmeta u odgovarajuću elektronsku bazu, vršenje indeksacije predmeta odnosno unos informacija o broju predmeta i strankama u odgovarajući elektronski modul.

Uslovi:

- SSS, IV stepen
- poznavanje rada na računaru

Potrebna dokumentacija:

Za ispunjavanje uslova iz Javnog poziva, potrebno je priložiti slijedeću dokumentaciju:

- Prijavu sa kratkom biografijom;
- Uvjerenje o državljanstvu (ne starije od 6 mjeseci);
- Diplomu o završenom stepenu stručne spreme;
- Dokaz o poznavanju rada na računaru;

- Uvjerenje da se ne vodi krivični postupak (dostavit će samo izabrani kandidat po završetku procedure);

Dodatne informacije

- Kantonalno tužilaštvo Zeničko-dobojskog kantona formirat će internu komisiju koja će izvršiti pregled i selekciju svih zaprimljenih prijava. Sa kandidatima koji budu ispunjavali uslove Javnog poziva obaviti će se intervju radi konačnog izbora najboljeg kandidata, uz prisustvo predstavnika Projekta VSTV-a BiH.
- Specifična iskustva kandidata mogu biti predmetom ocjene komisije za izbor, te se podstiču kandidati da dostave i dokumentaciju koja pozitivno može utjecati na rangiranje kandidata.
- Kandidati prilikom prijave mogu dostaviti skenirane primjerke dokumenata, a od izabranog kandidata tražiti će se predočenje originalnih dokumenata.
- Sa odabranim kandidatom, nakon predočenja originalnih primjeraka potrebne dokumentacije, zaključit će se ugovor o djelu na period do 31.12.2022. godine, sa neto naknadom od 30,00 KM po danu angažmana za period trajanja Memoranduma o saradnji u zajedničkoj realizaciji projektnih aktivnosti u okviru projekta "Podrška pravosuđu u BiH –Jačanje uloge tužilaca u sistemu krivičnog pravosuđa", faza 3.

Prijavu sa kraćom biografijom i dokazima o ispunjavanju traženih uslova kandidati trebaju dostaviti najkasnije do **04.10.2022. godine** isključivo elektronskim putem na e-mail adresu: kt-zenica@pravosudje.ba

